

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-29-Z/19
Kakanj, 03.04.2019. godine

Z A P I S N I K

**sa 29. redovne sjednice Općinskog vijeća održane 03.04.2019. godine (srijeda) u velikoj sali za
sastanke Općinskog vijeća sa početkom u 9:00 sati
(sažetak zapisnika)**

Nakon intoniranja himne Bosne i Hercegovine, 29. sjednicu Općinskog vijeća otvorio je Slaven Katičić, predsjedavajući Općinskog vijeća i pozdravio prisutne.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Džemal Bećirhodžić, Adnan Ibrahimspahić, Mejrema Purišević, Izudin Hrusto, Amar Selimović, Safet Šahman, Nadina Kovač, Senad Alajbegović i Namir Talić (**SDA**)

Mugdin Gorak (**SBB BiH**)

Adisa Škulj (naknadno pristupila), Zerina Kovač, Fahrudin Buza i Mirsad Tursum (**S BiH**)

Ahmed Begić, Enes Piljug i Eldin Mijoč (**SDP BiH**)

Slaven Katičić i Ivica Petrović (**HDZ BiH**)

Elvedin Delić (naknadno pristupio) (**A-SDA**)

Nusret Muslić, Evelin Bitić, Mirnes Merdić i Rizah Haračić (**samostalni vijećnici**)

Mujo Fafulić (**nacionalna manjina**)

Odsutni vijećnici: Edin Aliefendić i Muhamed Kubat (**SDA**), Rešad Merdić (**SBiH**), Jasmin Mušanović (**SBB**) i Semir Mušija (**samostalni vijećnik**).

Predsjedavajući je konstatovao da je na sjednici u momentu prijave prisutno 26 vijećnika i vijećnica, te da su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Aldin Šljivo, općinski načelnik

Ferdo Mijač, sekretar Općinskog vijeća

Enver Kusić, sekretar organa uprave

Mirza Fazlić, pomoćnik općinskog načelnika za privredu, urbanizam i zaštitu okoline

Džihad Berbić, pomoćnik općinskog načelnika za finansije

Rešad Zaimović, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Nurčo Kurtović, pomoćnik općinskog načelnika za imovinskopravne, geodetske poslove i katastar nekretnina

Nurudin Hrusto, pomoćnik općinskog načelnika za civilnu zaštitu

Zijad Neimarlija, direktor Zavoda za planiranje i izgradnju općine Kakanj

Izjave, obrađivači, gosti:

Fakir Ajdžević, direktor JU Centar za socijalni rad

Mehmedalija Velispahić, predsjednik UO JU Centar za socijalni rad

Senad Čišija, direktor JU „Gradska biblioteka“
Dalila Rajkić, predsjednica UO JU Gradska biblioteka“
Mirza Mušija, v.d. direktora JU Kulturno-sportski centar Kakanj
Nihad Tukić, član UO JU Kulturno-sportski centar Kakanj

Predstavnici medija:

NTV IC Kakanj	„Naša riječ“	„Kaportal“
Radio Kakanj	„Kakanjlive“	„Klix portal“
„Kakanjske novine“	„Kakanj-x“	

Kratka saopćenja o radu sjednice i prethodnim pitanjima.

Vijećničke inicijative:

Eldin Mijoč: je podnio vijećničku inicijativu da se iz sredstava općinskog Budžeta izgrade javne česme u svim mezarjima i grobljima na području općine Kakanj.

Enes Piljug: je podnio vijećničku inicijativu da se očisti divlja deponija sa obale rijeke Bosne, a koja se nalazi između naselja Karaulsko polje i Hasa.

Namir Talić: je podnio vijećničku inicijativu da se izdvoji 30.000 KM iz budžetskih sredstava za opremanje prostorija za potrebe MZ Brnj.

Utvrđivanje dnevnog reda:

Predsjedavajući je predložio dnevni red koji je usaglašen na sjednici Kolegija 28.03.2019. godine, odnosno koji je u pozivu za 29. sjednicu Vijeća.

U raspravi po predloženom dnevnom redu nije niko učestvovao, te je Vijeće sa 23 glasova za, bez glasova protiv i uzdržan usvojilo dnevni red za 29. sjednicu.

Usvojeni dnevni red:

1. Prijedlog odluke o izmjeni Odluke o administrativnim taksama Općine Kakanj
2. Prijedlog odluke o dopuni Odluke o radu i radnom vremenu i rasporedu radnog vremena
3. Prijedlog odluke o izmjenama i dopunama Odluke o jednokratnoj novčanoj pomoći za porođaj i opremu novorođenog djeteta
4. Prijedlog odluke o visini subvencioniranja troškova transporta komunalnog otpada iz udaljenih mjesnih zajednica
5. Prijedlog odluke o visini prosječne konačne građevinske cijene iz prethodne godine po m² korisne stambene površine na području općine Kakanj
6. Izvještaj o ostvarivanju politike jedinice lokalne samouprave i aktivnostima općinskog načelnika za 2018.godinu
7. Izvještaj o realizaciji Okvirnog programa rada Općinskog vijeća za 2018.godinu
8. Izvještaj o radu Općinskog pravobranilaštva za 2018.godinu
9. Prijedlog zaključka o davanju saglasnosti na Plan i program JU Centar za socijalni rad Kakanj sa finansijskim planom za 2019.godinu
10. Izvještaj o radu JU „Gradska biblioteka“ Kakanj za 2018.godinu sa izvještajem o finansijskom poslovanju JU „Gradska biblioteka“ Kakanj za period 01.01-31.12.2018.godine
11. Izvještaj o poslovanju i radu JU Kulturno-sportski centar Kakanj sa finansijskim izvještajem za 2018.godinu
12. Prijedlog zaključka o davanju saglasnosti na Program rada JU Kulturno-sportski centar Kakanj sa finansijskim planom za 2019.godinu
13. Informacija o stanju zaštite od požara i vatrogastva na području općine Kakanj u 2018.godini
14. Prijedlog rješenja o utvrđivanju prava vlasništva u korist Nusreta (Ibre) Obralije iz Kakanja

Tačka 1.

Prijedlog odluke o izmjeni Odluke o administrativnim taksama Općine Kakanj

Predlagač: Općinski načelnik

Obrađivač: Služba za opću upravu, radne i zajedničke poslove lokalnu samoupravu i mjesne zajednice

Izjavitelj: Bahrudin Arnaut, pomoćnik općinskog načelnika

U diskusiji nije niko učestvovao i Vijeće je usvojilo Odluku o izmjeni Odluke o administrativnim taksama Općine Kakanj sa 23 glasa za, bez glasova protiv i uzdržan.

Tačka 2.

Prijedlog odluke o dopuni Odluke o radu i radnom vremenu i rasporedu radnog vremena

Predlagač: Općinski načelnik

Obrađivač: Služba za opću upravu, radne i zajedničke poslove lokalnu samoupravu i mjesne zajednice

Izjavitelj: Bahrudin Arnaut, pomoćnik općinskog načelnika

U diskusiji nije niko učestvovao i Vijeće je usvojilo Odluku o dopuni Odluke o radu i radnom vremenu i rasporedu radnog vremena sa 23 glasa za, bez glasova protiv i uzdržan.

Tačka 3.

Prijedlog odluke o izmjenama i dopunama Odluke o jednokratnoj novčanoj pomoći za porođaj i opremu novorođenog djeteta

Predlagač: Općinski načelnik

Obrađivač: Služba za društvene djelatnosti, boračka pitanja, raseljena lica, izbjeglice i povratnike

Izjavitelj: Rešad Zaimović, pomoćnik općinskog načelnika

U diskusiji su učestvovali: Eldin Mijoč, Slaven Katičić, Nusret Muslić i Rizah Haračić.

Eldin Mijoč: je rekao da ovu Odluku treba podržati te da u svakom pogledu treba težiti da se ovi iznosi povećavaju iz godine u godinu. Istaknuo je problem iseljavanja mladih iz Kaknja te dodao da će se ovakvim potezima na neki način stimulirati ostanak a samim tim i natalitet.

Slaven Katičić: je predložio da se izjednače iznosi za zaposlene i nezaposlene porodilje. Također, predložio je da se uvedu i kategorije u kojima će se veći iznosi dodjeljivati u slučaju da jedan ili oba roditelja ne rade. Na kraju je dodao da je i ovakav prijedlog prihvatljiv ali da bi trebalo razmotriti i njegov prijedlog.

Nusret Muslić: je podržao Odluku i dodao da bi se trebala izdvojiti i dodatna sredstva (minimalno 20.000KM) za parove koji ne mogu imati djecu.

Rešad Zaimović: je zamolio vijećnike da se Odluka usvoji kako je i predložena obzirom da se ne zna koliko sredstva će biti potrebno za njenu implementaciju. U vezi prijedloga vijećnika Muslića rekao je da to ne može biti predmetom ove Odluke već bi se trebao napraviti prijedlog koji bi tretirao samo ove slučajeve.

Rizah Haračić: je rekao da je podnio inicijativu za pomoć parovima koji imaju problem sa začecem te dodao da bi se trebao prvo utvrditi broj parova, cijena tretmana kao i ostale ključne informacije kako bi se donijela kvalitetna odluka. S tim u vezi nije se složio s prijedlogom vijećnika Muslića da se ove dvije kategorije tretiraju istom odlukom.

Nakon rasprave predsjedavajući je na glasanje stavio Odluku o izmjenama i dopunama Odluke o jednokratnoj novčanoj pomoći za porođaj i opremu novorođenog djeteta te nakon glasanja konstatovao da je ista usvojena sa 21 glasom za, bez glasova protiv i uzdržan, a jedan vijećnik se nije izjasnio.

Tačka 4.

Prijedlog odluke o visini subvencioniranja troškova transporta komunalnog otpada iz udaljenih mjesnih zajednica

Predlagač: Općinski načelnik

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

U diskusiji je učestvovao Enes Piljug.

Enes Piljug: je rekao da na posljednjim sjednicama često razmatra JP „Vodokom“ te da Vijeće stalno finansijski pomaže ovo preduzeće. Rekao je da na terenu ima pritužbi na neredovan odvoz smeća te upitao šta se uradilo sa onim mjesnim zajednicama u kojima je bio planiran odvoz smeća.

Mirza Fazlić: je odgovorio da se odvoz smeća vrši sa području onih udaljenih mjesnih zajednica koje su sa JP „Vodokom“ pristale da plaćaju dopunski dio naknade jer se odvoz smeća subvencionira. Također, u vezi redovnosti odvoza rekao je da predsjednik mjesne zajednice potpisuje izjavu kojom potvrđuje redovan odvoz smeća koji je sastavni dio fakture koju JP „Vodokom“ dostavlja Općini. Složio se da prostora za poboljšanje usluge odvoza smeća uvijek ima, te izrazio nadu da će se to ostvariti ubuduće.

Vijeće usvojilo Odluku o visini subvencioniranja troškova transporta komunalnog otpada iz udaljenih mjesnih zajednica sa 20 glasova za, niko protiv i 2 uzdržana.

Tačka 5.

Prijedlog odluke o visini prosječne konačne građevinske cijene iz prethodne godine po m² korisne stambene površine na području općine Kakanj

Predlagač: Općinski načelnik

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

U diskusiji je učestvovao Enes Piljug.

Enes Piljug: je upitao da li postoji ikakav način da se umanja cijena građevinske dozvole i rente obzirom na neujednačenost u visini iste i visoke cijene u prigradskim naseljima sa .

Vijeće je usvojilo Odluku o visini prosječne konačne građevinske cijene iz prethodne godine po m² korisne stambene površine na području općine Kakanj sa 22 glasa za, bez glasova protiv i uzdržan.

Tačka 6.

Izveštaj o ostvarivanju politike jedinice lokalne samouprave i aktivnostima općinskog načelnika za 2018.godinu

Predlagač: Općinski načelnik

Obrađivač: Stručna služba za poslove općinskog načelnika

Izjavitelj: Enver Kusić, sekretar organa uprave Općine Kakanj

U diskusiji nije niko učestvovao i Vijeće je sa 19 glasova za, 3 protiv i niko uzdržan usvojilo Izveštaj o ostvarivanju politike jedinice lokalne samouprave i aktivnostima općinskog načelnika za 2018.godinu.

Tačka 7.

Izveštaj o realizaciji Okvirnog programa rada Općinskog vijeća za 2018.godinu

Predlagač: Kolegij Općinskog vijeća

Obrađivač: Stručna služba za poslove Općinskog vijeća

Izjavitelj: Slaven Katičić, predsjedavajući Općinskog vijeća

U diskusiji nije niko učestvovao i Vijeće je sa 24 glasa za, niko protiv i niko uzdržan usvojilo Izveštaj o realizaciji Okvirnog programa rada Općinskog vijeća za 2018.godinu.

Tačka 8.

Izveštaj o radu Općinskog pravobranilaštva za 2018.godinu

Predlagač: Općinsko pravobranilaštvo

Obrađivač: Općinsko pravobranilaštvo

Izjestilac: Vesna Ajanović – općinska pravobraniteljica – najavila odsustvo

U diskusiji nije niko učestvovao i Vijeće je sa 24 glasa za, niko protiv i niko uzdržan usvojilo Izveštaj o realizaciji Okvirnog programa rada Općinskog vijeća za 2018.godinu.

Tačka 9.

Prijedlog zaključka o davanju saglasnosti na Plan i program JU Centar za socijalni rad Kakanj sa finansijskim planom za 2019.godinu

Predlagač: UO JU Centar za socijalni rad Kakanj

Obrađivač: UO JU Centar za socijalni rad Kakanj

Izjestilac: Fakir Ajdinović, direktor JU i Mehmedalija Velispahić, predsjednik UO JU

U diskusiji su učestvovali: Mujo Fafulić i Rizah Haračić.

Mujo Fafulić: je rekao da je JU Centar za socijalni rad svojim Programom planira dosta aktivnosti te da mjesta za poboljšanje rada Centra uvijek ima. Osvrnuo se na prethodno donešenu Odluku kojom se pomaže porodiljama a paradoks je da ima trudnica koje nemaju zdravstveno osiguranje. Dodao je da, ukoliko ima potrebe, a ima je, neka se broj uposlenih socijalnih radnika poveća. Također, rekao je da je nailazio na slučajeve kad socijalni radnik koristi sve mogućnosti da korisnik ne ostvari svoje pravo. Posao socijalnog radnika nije da sjedi i čeka da lice u potrebi dođe i traži svoje pravo, njegov posao je da izađe na teren te da pronađe lice u potrebi, upozna je s pravom i uvede je u pravo. Ukazao je da postoje inicijative koje se mogu uputiti prema Ministarstvu za socijalni rad i politiku i prema Kantonu i Federaciji kako bi se neke stvari promijenile i kako bi se zakonske odredbe proširile na mjeru potreba ugroženog stanovništva.

Fakir Ajdinović: je rekao da se slaže sa diskusijom vijećnika Fafulića o tome da ima slučajeva u kojima se ne može riješiti zdravstveno osiguranje ali da i JU Centar za socijalni rad sada ima i šire zakonske okvire preko izmjena Zakona o zdravstvom osiguranju te da će se na ovaj način uključiti i ove kategorije o kojima je govorio.

Mujo Fafulić: je rekao da postoji mogućnost da sva lica na području općine mogu biti zdravstveno osigurana. Federalno ministarstvo zdravstva je donijelo odluku gdje predlaže kantonima da prihvate ovu Odluku te da općine sačine instrukciju i na centre za socijalni rad prebace zdravstveno osiguranje kako bi svako lice u socijalnoj potrebi po najnižoj zdravstvenoj stopi (1.30=6,5KM/ mjesечно) bilo osigurano. Primjer dobre prakse je Tuzlanski kanton. Na ovaj način bi se sve kategorije obuhvatile i ne bi se dovodilo u situacije da ima nerješениh slučajeva. Inicijativu bi trebalo uputiti Kantonu da prihvati Odluku Federalnog ministarstva kako bi općine mogle riješiti ove slučajeve. Također, pozvao je uposlenike JU Centar za socijalni rad na profesionalno i korektno ponašanje.

Rizah Haračić: je rekao da diskusija vijećnika Fafulića nije pravilno adresirana te da zdravstveno osiguranje nije isključivo nadležnost ove JU, a također, nije ni odgovor na svaki problem u budžetu Općine, obzirom da postoje institucije (Biro za zapošljavanje, Fond za zdravstvo) iz kojih bi se mogla crpiti sredstva za ove namjene. Podržao je inicijativu vijećnika Fafulića u vezi djelovanja na Kanton o prihvatanju Odluke ali isto tako rekao da JU Centar za socijalni rad nije instanca na kojoj bi se ove stvari trebale rješavati.

Mujo Fafulić: je rekao da je ovo generalni problem a ne samo problem romskog stanovništva. Također, rekao je da bi se moglo ići sa inicijativama prema Fondu za zdravstveno osiguranje, kao i Zavod za zapošljavanje, Kantonu i dr. ali te inicijative ne mogu biti upućene od pojedinca već od institucija koje se bave ovom problematikom. Budžet Općine Kakanj je budžet svih građana, akumuliran od poreskih obveznika i treba da se na neki način i vrati građanima u onim slučajevima koji zahtijevaju hitnost.

Rizah Haračić: je rekao da je i ranije govorio o trajnom rješavanju zdravstvenog osiguranja te da nije govorio o hitnim slučajevima. Dodao je da se ovom problemu treba prići sistematski i trajno riješiti ga u okviru zakonskih okvira.

Nakon iscrpljene rasprave Vijeće je dalo saglasnost na Plan i program JU Centar za socijalni rad Kakanj sa finansijskim planom za 2019.godinu jednoglasno sa 24 glasa za.

Tačka 10.

Izveštaj o radu JU „Gradska biblioteka“ Kakanj za 2018.godinu sa izvještajem o finansijskom poslovanju JU „Gradska biblioteka“ Kakanj za period 01.01-31.12.2018.godine

Predlagač: UO JU „Gradska biblioteka“ Kakanj

Obrađivač: UO JU „Gradska biblioteka“ Kakanj

Izjestilac: Senad Čišija, direktor JU i Dalila Rajkić, predsjednica UO JU

U diskusiji nije niko učestvovao i Vijeće je dalo saglasnost na Izveštaj o radu JU „Gradska biblioteka“ Kakanj za 2018.godinu sa izvještajem o finansijskom poslovanju JU „Gradska biblioteka“ Kakanj za period 01.01-31.12.2018.godine jednoglasno sa 24 glasa za.

Tačka 11.

Izveštaj o poslovanju i radu JU Kulturno-sportski centar Kakanj sa finansijskim izvještajem za 2018.godinu

Predlagač: UO JU Kulturno-sportski centar Kakanj

Obrađivač: UO JU Kulturno-sportski centar Kakanj

Izjestilac: Mirza Mušija, v.d. direktora JU i Aida Silajdžić, predsjednica UO JU

U diskusiji nije niko učestvovao i Vijeće je dalo saglasnost na Izveštaj o poslovanju i radu JU Kulturno-sportski centar Kakanj sa finansijskim izvještajem za 2018.godinu jednoglasno sa 23 glasa za.

Tačka 12.

Prijedlog zaključka o davanju saglasnosti na Program rada JU Kulturno-sportski centar Kakanj sa finansijskim planom za 2019.godinu

Predlagač: UO JU Kulturno-sportski centar Kakanj

Obrađivač: UO JU Kulturno-sportski centar Kakanj

Izjestilac: Mirza Mušija, v.d. direktora JU i Aida Silajdžić, predsjednica UO JU

U diskusiji je učestvovao Džihad Berbić, pomoćnik općinskog načelnika, te dodao da je Služba za finansije dala primjedbe kako bi se finansijski plan ove JU uskladio s Budžetom Općine Kakanj te da se plan treba usvojiti uz te sugestije.

Vijeće je dalo saglasnost na Izveštaj o poslovanju i radu JU Kulturno-sportski centar Kakanj sa finansijskim izvještajem za 2018.godinu jednoglasno sa 23 glasa za.

Tačka 13.

Informacija o stanju zaštite od požara i vatrogastva na području općine Kakanj u 2018.godini

Predlagač: Općinski načelnik

Obrađivač: Služba civilne zaštite

Izjestilac: Nurudin Hrusto, pomoćnik općinskog načelnika

U diskusiji nije niko učestvovao i Vijeće je Informaciju o stanju zaštite od požara i vatrogastva na području općine Kakanj u 2018.godini primilo k znanju jednoglasno sa 22 glasa za.

Tačka 14.

Prijedlog rješenja o utvrđivanju prava vlasništva u korist Nusreta (Ibre) Obralije iz Kaknja

Predlagač: Općinski načelnik

Obrađivač: Služba za imovinskopravne, geodetske poslove i katastar nekretnina

Izvjestilac: Nurčo Kurtović, pomoćnik općinskog načelnika

U diskusiji nije niko učestvovao i Vijeće je Rješenje o utvrđivanju prava vlasništva u korist Nusreta (Ibre) Obralije iz Kaknja usvojilo jednoglasno sa 22 glasa za.

Sjednica se završila u 10:37.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Ferdo Mijač

**PREDSJEDAVAJUĆI
OPĆINSKOG VIJEĆA**
Slaven Katičić